

In dem namē der bylligen vñge- deleden drefoldicheyt Amen.



W Erbar māne/ Radt/ veerdelmey-
ster/ Eldesten vnd gemene ynwoner
der Stad vñ dorper yngeparter vors
sammelyngke vñde parrampts tho
Leyßnick. Na dē dorck de gnade des
almeychtigen goddes vth openbarin-
ge Christlyker Euāgelescher schrifft
wy nicht allene eynen bestendigen ge-
louen/ sander ock gruntlick wetten/
entfangen / dat alle ynwendige vnde

vthwendige vormogen der Christgelōnigen tho der ere god-
des vnd leue des negesten euen Christen mynschē/ na ordenin-
ge vnd vthsettinge godlyker warheyt vnd nicht na mynschly-
kē gudt duncken denen vnde recken scholen.

Bekennē vnd don kandt byr vñne jegenwordichlick. Dat
wy vor vns vnd vnse na kōmen na gehattē tydigem rade der
godlyken schryfft gelerden/ disse nasolgenden broderlykē vors
enynge/ twysshē vnser gemensambheyt/ de ytzunt ys/ vñ tho
kōmende syn wert/ truwelick vnd vnuoricklick gehalten tho
werden vpperichtet vnd besloten hebben Nōmelick.

Bestellinge des parrampts.

Wy wyllen vnde scholen/ tho aller tydt / vnse Christlyke
fryheit/ so vele de bestellinge vnser gemenen parrampts/ mit
beropinge/ erwelinge/ settinge/ vnd entsettinge/ vnser selen
sorger/ alle thoutkundiginge des goddes wordes vnd medes
delinge der Sacramente/ belangende ys/ nicht anders/ wan
na vthsettinge vñ vorordeninge godlyker Bibelischer schrifft